

## CONVOCATORIA PA LA SELECCIÓN DE PROPUESTES PA LA ELLABORACIÓN D'UN CATÁLOGU DE PROYECTOS LLITERARIOS Y POSTERIOR PROGRAMACIÓN DE DELLES ACTIVIDADES DE PROMOCIÓN DE LA LLITERATURA Y ESPARDIMIENU DE LES LLETRES NEL PRINCIPÁU D'ASTURIÉS

### EL PROYECTU.

La lliteratura ye un productu cultural que contribúi al desenvolvimientu económicu, la creación d'empléu y el caltenimientu de la diversidá cultural al traviés del espardimientu de les lletres.

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP) tien ente los sos fines la prestación de tou tipu de servicios pa la promoción del sector y actividaes turístiques y culturales del Principáu d'Asturies.

La especial situación d'emergencia sanitaria derivada de la Covid-19 fai que les midíes adoptaes en materia d'aforu de los distintos espacios de Llaboral Ciudá de la Cultura llinden l'accesu a la programación d'actividaes culturales a los ciudadanos, amenorgando sensiblemente la programación cultural que puede desenvolverse na Llaboral. Énte esta situación, considérase conveniente estender y llevar la programación cultural de Llaboral Ciudá de la Cultura a los distintos conceyos asturianos, averándola a los ciudadanos y utilizando pa ello les infraestructures culturales municipales, lo que permite disponer d'un número eleváu d'espacios onde poder llevar a cabu la programación cultural.

Esta situación aconseya que dende la SPXP s'adopten una serie de midíes de sofitu al sector lliterariu asturianu, implementando una convocatoria especial y específica pa facer posible y promover l'actividá de la industria lliteraria asturiana y el so espardimientu polos conceyos de la rexón.

En base a lo espuesto, la SPXP promueve una iniciativa pa escoyer proyectos lliterarios con un doble oxetivu; per una parte, promocionar y espublizar el trabayu de los escritores, centros de formación, profesionales que desenvuelvan la so actividá nel ámbitu de la lliteratura, editoriales y asociaciones culturales lliteraries afinaes nel Principáu d'Asturies, y per otra, facilitar a la ciudadanía asturiana l'accesu a distintes actividaes rellacionaes col espardimientu de les lletres y la promoción de la llectura nos conceyos de la so redolada.

Pal desenvolvimientu d'esta acción realiza la presente convocatoria por aciu la que se van escoyer un mínimu de quince proyectos lliterarios de distintes tipoloxíes promovíos por escritores, centros de formación, profesionales que desenvuelvan la so actividá nel ámbitu de les lliteratura, editoriales y asociaciones culturales lliteraries asturianes o afinaes nel Principáu d'Asturies.

A partir de la selección va ellaborase un catálogu de proyectos lliterarios que se va poner a disposición de los Conceyos que tean interesaos en xuntase a esta iniciativa.

Preténdese xenerase un catálogu diversu y representativu del máximu númberu posible d'actividaes distintes.

### 1.-OXETU DE LA CONVOCATORIA.

L'oxetu de la presente convocatoria ye la selección d'un mínimu de quince proyectos lliterarios pa la ellaboración d'un catálogu que sirva como base pa la posterior programación de delles actividaes de promoción de la lliteratura y espardimientu de les lletres que van ser programaes en distintes sales o espacios culturales allugaos en distintos conceyos del Principáu d'Asturies. Con esta iniciativa búscase complementar les programaciones habituales de los Conceyos cola contratación de delles actividaes que se van poner a disposición de los consistorios.

Por aciu la presente convocatoria establécense les bases y requisitos que van rexir la mesma, mesmo que'l procedimientu pa la selección de los proyectos o propuestas lliteraries que van integrar el catálogu con respetu a los principios de publicidá, llibre concurrencia y oxetividá.

### 2.-PUBLICACIÓN Y PUBLICIDÁ.

La presente convocatoria y bases, mesmo que la resolución del procedimientu, van ser publicaes na páxina Web de la SPXP [www.laboralciudadde lacultura.com](http://www.laboralciudadde lacultura.com) ensin perxuiciu de los medios complementarios d'espardimientu que la SPXP envalore utilizar.

### 3.-SOLICITANTES.

Van poder participar na presente convocatoria les persones físiques o xurídiques qu'axunten los siguientes requisitos:

- Ser residentes n'Asturies.
- Desenvolver la so actividá principal nel ámbitu de la lliteratura y l'espardimientu de les lletres.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.
- Tolos interesaos tienen de tar daos d'alta na Seguridá Social y nel epígrafe correspondiente del Impuestu d'Actividaes Económiques y acreditar la solvencia técnica riquida antes del entamu de lesactividaes en casu de que'l proyectu resulte escoyíu.

### 4.-CARACTERÍSTIQUES DE LOS PROYECTOS LLITERARIOS QUE PUEDEN CONCURRIR A LA PRESENTE CONVOCATORIA.

Les característiques qu'han tener d'axuntar les propuestas son les siguientes:

**XÉNERU:** Los proyectos van poder tratar sobre cualquier xéneru lliterariu: novela, microrrelatu, poesía, teatru, ensayu o cuentos.

**PÚBLICU OXETIVU:** Los proyectos nun tienen que s'adaptar a una tipoloxía de públicu determinada.

**TIPOLOXÍA:** Van tener cabida tou tipu d'actividaes lliteraries que contribuyan al espardimientu de les lletres, la promoción de la lliteratura y l'animación a la llectura, por casu, alcuentros lliterarios, clubes de llectura, talleres creativos y lliterarios, muestras espositives, conferencies, charles y coloquios, presentaciones de llibros o disertaciones lliteraries, ente otros.

**LLINGUA:** Van aceptase proyectos en castellán, asturianu y gallego- asturianu.

**SEDES:** Les actividaes van desenvolvese nes sales o espacios allugaos nel Principáu d'Asturies que la SPXP determine. Pa la so elección ta previsto establecer un conveniu de collaboración colos representantes de los Conceyos interesaos nel proyectu. Tolos espacios propuestos van cumplir la lexislación vixente en materia de seguridá, la referida a prevención de riesgos llaborales y les midíes decretaes y vixentes en materia de seguridá y prevención del COVID-19 pa la celebración d'espectáculos.

**NÚMBERU DE PROYECTOS POR PROFESIONAL O ENTIDÁ:** El númberu final de proyectos a contratar va venir determináu pol presupuestu máximu disponible. El máximu de propuestas pa concurrir a esta convocatoria por profesional o entidá ye de trés proyectos lliterarios.

**MEDIOS TÉCNICOS Y HUMANOS:** Los profesionales o entidaes van aportar los medios técnicos (de los que nun disponga la sede) y humanos que seyan necesarios pal desenvolvimientu de l'actividá.

**TEMPORALIDÁ Y FECHES:** Les actividaes van programase dende'l partir del 16 de payares de 2020.

**DERECHOS D'EXHIBICIÓN:** El profesional o entidá tendrá de cuntar colos derechos de propiedá intelectual pa exhibir o mostrar el proyectu que proponga.

## 5.-PRESENTACIÓN DE SOLICITUDES. DOCUMENTACIÓN A PRESENTAR.

Les solicitues han presentase al traviés de la web <http://panel.asturiesculturaenrede.es>

Documentación a presentar:

- 1º. Impresu de solicitú, proyectu lliterariu y presupuestu de conformidá col modelu establecíu nel ANEXU I.
- 2º. Declaración responsable conforme al modelu establecíu nel ANEXU II, si ye d'aplicación.
- 3º. Currículum del profesional o la entidá que presenta'l proyectu.
- 4º. Descripción pormenorizada de les necesidaes técniques necesaries (non apurríes pola entidá que concurre a la convocatoria).
- 5º. Fotografía/es ilustrativa/es del proyectu.
- 6º. Enllaz a videu si se considera oportuno.

## 6.-PRESENTACIÓN DE SOLICITÚES. LLUGAR Y FORMA DE PRESENTACIÓN.

La solicitú, xuntu cola documentación riquida va presentase al traviés del rexistru creáu al efectú accesible al traviés de la URL <http://panel.asturiesculturaenrede.es>.

El solicitante tendrá de rexistrase como nuevu usuariu, si entá nun ta rexistráu, y en validándose (plazu máximu de 24 hores) va poder dar en presentar la documentación. En presentando la documentación el solicitante va recibir acuse de recibu per corréu electrónicu.

La hora y fecha llende de presentación de les solicitúes van ser les 14:00 hores del día 30 d'ochobre del 2020.

## 7.-VALORACIÓN DE LOS PROYECTOS Y CATALOGACIÓN.

Pa la valoración de los proyectos o propuestes presentaes va constituyise una Comisión de Valoración que va ser l'órganu colexáu encargáu de valorar les solicitúes acordies colos criterios fitos nes presentes bases.

La Comisión de Valoración va tar integrada por:

- La Xefa de la Área de Xestión d'Espacios de Llaboral Ciudá de la Cultura, en calidá de Presidenta.
- La Xefa de la Área de Coordinación d'Equipamientos de la SPXP, que va actuar como Secretaria de la Comisión, con voz y votu.
- El Coordinador Cultural del Serviciu de Promoción Cultural, Archivos, Museos y Biblioteques de la Direcció Xeneral de Cultura y Patrimoniu del Principáu d'Asturies, en calidá de vocal.
- La Xefa del Serviciu de Planificación y Conocimientu de la llingua asturiana de la Direcció Xeneral de Política Llingüística del Principáu d'Asturies, en calidá de vocal.
- La Documentalista del Centru de Documentación del Institutu Asturianu de la Muyer, en calidá de vocal.
- El Presidente del Gremiu de llibreros del Principáu d'Asturies, en calidá de vocal.
- Una crítica lliteraria collaboradora en distintos medios de comunicación ya investigadora en lliteratura na tradición oral, en calidá de vocal.

La Comisión de Valoración va tar válidamente constituyida cuando s'atopen presentes más de la metá de los sos integrantes con derechu a votu. Los sos alcuerdos van adoptase por mayoría simple de los sos miembros. En casu d'empate, va corresponder a la Presidenta dirimir col so votu el resultáu de la votación.

La Comisión va poder solicitar de los interesaos cuantes aclaraciones, información o documentación complementaria necesaria pa la correcta valoración de los proyectos.

La resolución va tener llugar, y va comunicase a los interesaos, enantes del 6 de payares de 2020 y va publicase na web [www.laboralciudaddelacultura.com](http://www.laboralciudaddelacultura.com)

Criterios de valoración. La Comisión de Valoración va poder proponer la esclusión d'aquelles solicitúes que nun cumplan colos requisitos de participación. El restu de solicitúes van ser valoraes conforme a los siguientes criterios:

**1. Interés cultural y artísticu del proyectu, hasta 30 puntos.**

Van valorase la calidá, orixinalidá, calter novedosu y repercusión pública del proyectu y la busca de variedá de públicos.

Va tener en consideración 'el grau d'elaboración, detalle y concreción de la propuesta, mesmo que la so proyección, valorando positivamente los premios recibíos en convocatories d'alministraciones públiques y de los sos organismos públicos venceyaos o dependientes.

**2. Fomentu de la igualdá y la diversidá, hasta 10 puntos.**

Van considerase aquellos proyectos que fomenten la igualdá y/o tean impulsaos por muyeres.

**3. Espardimientu y usu del asturianu y del gallegu asturianu, hasta 10 puntos.**

Van valorase aquellos proyectos que se presenten y espublicen la llingua asturiana y el gallego- asturianu, teniendo en cuenta la corrección llingüística y el so calter normalizador.

**4. Trayectoria, esperiencia y formación de los profesionales y entidaes, hasta 20 puntos**

Va valorase la esperiencia y trayectoria de los profesionales y entidaes nel desenvolvimientu de proyectos lliterarios, mesmo que la so formación en disciplines rrellacionaes al envís de la convocatoria.

**5. Viabilidá técnica, económica y rigor presupuestario, hasta 20 puntos**

Va ser oxetu de valoración l'adecuación del presupuestu al númberu de trayayadores arreaos y los medios que s'aporten.

**6. Diversidá de proyectos lliterarios, hasta 10 puntos**

Pretende xenerase un catálogu diversu y representativu del máximu númberu posible de proyectos lliterarios.

En valorándose tolos proyectos, la Comisión de Valoración va emitir un informe cola valoración de los proyectos nel que se va proponer el númberu máximu de proyectos que se van integrar nel catálogu.

**8.- ELLABORACIÓN DEL CATÁLOGU**

Colos proyectos escoyíos la SPXP va elaborar un catálogu que se va poner a disposición de los Conceyos pa qu'estos escueyan los proyectos que deseyen incorporar na so programación cultural.

Pa formar parte del catálogu los proyectos han algamar una puntuación mínima de 50 puntos.

## 9.-DOCUMENTACIÓN A PRESENTAR POLOS PROYECTU ESCOYÍOS.

Los interesaos que seyan escoyíos polos distintos conceyos pa realizar el so proyectu tendrán de presentar nel plazu máximu de 5 díes naturales la siguiente documentación:

- a) Documentos qu'acrediten la personalidá del solicitante. Si'l solicitante fuera persona xurídica va acreditar por aciu la presentación de la escritura de constitución o cambéu, nel so casu, debidamente inscrita nel Rexistru Mercantil cuando esti requisitu seya esixible según la llexislación mercantil aplicable. Si dichu requisitu nun fuera esixible, la capacidá d'obrar va realizase por aciu la escritura o documentu de constitución, estatutos o acta fundacional, nel que consten les normes poles que se regula la so actividá, inscritos, nel so casu, nel correspondiente Rexistru Oficial. Pa los empresarios individuales y les persones físiques va ser obligatoria la presentación de la fotocopia llexitimada notarialmente o compulsada del DNI o documentu que, nel so casu, lu sustituya reglamentariamente.
- b) Documentos qu'acrediten, nel so casu, la representación. Los que comparezan o roblen ufiertes en nome d'otru van presentar Documentu Nacional d'Identidá y poder. Dichu poder tendrá de figurar inscrite nel Rexistru Mercantil o, nel so casu, nel correspondiente Rexistru Oficial. Si se trata d'un poder pa actu concretu nun ye necesaria la inscripción nel Rexistru Mercantil, acordies con l'artículu 94.5 del Reglamentu del Rexistru Mercantil.
- c) Acreditación de tar al corriente d'obligaciones tributaries y cola Seguridá Social:
  - Impuestu sobre Actividaes Económiques: Alta nun epígrafe rellacionáu al envís de la convocatoria referida al exerciciu corriente, o últimu recibu, xunto con una declaración de nun se tener dao de baxa na matrícula del citáu impuestu, o bien certificáu de situación al respective de dichu impuestu emitíu pola Axencia Tributaria.
  - Certificación positiva acreditativa de tar al corriente de les obligaciones tributaries col Estáu expedida pola Axencia Estatal de l'Alministración Tributaria.
  - Certificación positiva del Ente Públicu de Servicios Tributarios del Principáu d'Asturies acreditativa de tar al corriente de les obligaciones tributaries col Principáu d'Asturies.
  - Certificación positiva de tar al corriente de les obligaciones cola Seguridá Social espedida pola Tesorería Xeneral de la Seguridá Social.
- d) Seguru de responsabilidad civil.

### NOTES ACLARATORIES:

- **Nota aclaratoria:** van tar quitos de presentar l'impuestu d'actividaes económiques aquellos proyectos seleccionaos que s'alcuentren nel supuestu d'exención del impuestu sobre'l valor añadiu que s'establez nel artículu 20. Uno. 26º de la LLEI 37/1992, de 28 d'avientu, del Impuestu sobre'l Valor

Añadíu: “Los servicios profesionales, inclusive aquellos nos que la contraprestación consista en derechos d'autor, prestaos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guión y diálogos de les obres audiovisuales, traductores y adaptadores”.

- **El seguru de responsabilidad civil** va esixise namás en casu de qu'a la SPXP-y paeza que la execución del proyectu o actividá supón un riesgu de daños a terceros.

Les solicitúes que, siendo propuestas pa realizar el so proyectu, nun acrediten dientro del plazu establecíu'l cumplimientu de les obligaciones riquies o nun presenten la documentación en plazu, van poder ser refugaes.

#### 10.- FORMALIZACIÓN DE LOS CONTRATOS.

N'acreditándose los requisitos de participación van formalizase los correspondientes contratos. El plazu pa la formalización d'estos contratos va ser de 7 díes naturales a cuntar dende la finalización del plazu pa la presentación de la documentación a la que fai referencia l'apartáu anterior. El trescursu d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la esclusión del so proyectu del catálogu.

#### 11.- OBLIGACIONES DE LES ENTIDAES ESCOYÍES.

En casu de resultar escoyida la so propuesta, los profesionales que desenvuelvan la so actividá nel ámbitu de la lliteratura, editoriales y/o asociaciones culturales lliteraries comprométense a:

- Llevar a cabu'l proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y espardimientu del eventu lliterariu.
- Espublizar al traviés de los sos medios información sobre'l concertu (web, redes sociales, mailing, etc.) y collaborar cola SPXP na atención a los medios de comunicación en casu de que seya mester.
- Aceptar l'usu del nome del profesional, asociación y/o editorial p'acciones promocionales o de comunicación del proyectu.
- Disponer de los derechos d'autor pertinentes pa poder llevar a cabu'l proyectu.
- Rellenar una fueya d'evaluación de cada eventu que-y va ser facilitada pola SPXP cola fin de pescanciar datos relativos a la participación, perfiles de públicu, criterios organizativos, desenvolvimientu, etc. L'oxetivu ye incorporar la información a una memoria final d'evaluación del proyectu.
- Presentar el protocolu y plan de continxencia pa la prevención COVID-19.
- Presentar la documentación que resulte d'aplicación según la lexislación vixente en materia de seguridá llaboral y prevención de riesgos llaborales.

### ANEXU I:

DATOS FISCALES Y CONTACTU	
Datos fiscales (Nome fiscal, dirección postal y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU LLITERARIU	
Denominación del Proyeutu	
Temática/Disciplina	
Sinopsis del proyeutu (800 palabres)	
Autoría	
Llingua	
Espaciu preferente d'exhibición (Sala polivalente cubierta o cai)	
RRHH involucraos nel proyeutu (Número y perfiles)	
Públicu oxetivu (adultu, familiar, xuvenil o infantil (n'esti últimu casu indicar franxa horaria recomendada)	
Aforu recomendáu	

DATOS ECONÓMICOS IMPUESTOS NO INCLUIDOS	
Presupuestu por eventu	€
Presupuestu pa dos eventos n'espacios escénicos y municipios distintos (importe unitariu).	€
Presupuestu dende'l tercer eventu n'espacios escénicos y municipios distintos (importe unitariu)	€

OTROS	
Información adicional / Observaciones	



## ANEXO II

### DECLARACIÓN RESPONSABLE

D./D<sup>a</sup>. .....con NIF n<sup>u</sup>.....

En nome propiu

En representación de la empresa .....con NIF

n<sup>u</sup> .....en calidá de .....

En relación cola solicitú de participación na convocatoria pa la selecció de propuestas pa la ellaboració d'un catálogu de proyectos lliterarios y posterior programación de varies actividaes de promoción de la lliteratura y difusión de les lletres nel Principáu d'Asturias **DECLARA BAXO LA SO RESPONSABILIDÁ que:**

1.- S'alcuenta en situación d'alta nel Impuestu d'Actividaes Económiques (IAE), baxo l'epígrafe \_\_\_\_\_ correspondiente a \_\_\_\_\_.

2.- Nun ta incursu nes prohibiciones pa contratar previstes nel artículu 71 de la Llei 9/2017, de 8 de payares, de Contratos del Sector Públicu y tópose al corriente del cumplimientu de les obligaciones tributaries col Estáu y cola Comunidá Autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Ostenta la titularidá de los derechos d'esplotación del proyectu lliterariu que presenta a la convocatoria

Y pa qu'asina conste y surta los sos efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma la presente solicitú y declaración responsable

En \_\_\_\_\_ a \_\_\_\_ de \_\_\_\_\_ de 2020

Fo. \_\_\_\_\_

*(firma del solicitante o representante llegal)*